



Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

A Clemente XI. Ad Benedictum XIII.

Luxemburgi, MDCCXLI.

78. Ad pias preces &c. Decretum Elevationis Officii S. Anselmi
Archiepiscopi Cantuariensis à Ritu semiduplici ad duplicem, cum
præcepto, quòd in illius Missa dicatur etiam Credo.

[urn:nbn:de:hbz:466:1-74859](https://nbn-resolving.org/urn:nbn:de:hbz:466:1-74859)

1717.

Sanctorum Reliquias Corona Ferrea, uno ex Clavis Domini Nostri Jesu Christi, ut piè creditur, in laminam, sive circulum compacto exornata affervaretur: Cumque Anno 1687. D. Tanchredinus Visitator cultum eidem Coronæ antea præstitum, quousque à clar. mem. D. Card. Vicecomite tunc Mediolanen. Archiepiscopo, aliter diceretur, Decreto suspenderit; idem verò Cardinalis Archiepiscopus rei gravitate perpensâ anno 1688. recursum ad Apostolicam Sedem habendum esse, ab eaque decisionem expostulandam edixerit; Modoetienses verò actis nonnullis in Curia Archiepiscopali tunc peractis usque modò siverint, ac solummodo tribus ab hinc annis Sac. Rituum Congregationi pro prædictâ Decisione supplicaverint: Hinc audito prius R. P. D. Calcho Episcopo Lucano, tunc Vicario Capitulari Mediolanen. deinde verò Eminentissimo, & Reverendissimo D. Cardinali Odeschalco moderno Archiepiscopo Mediolani, ac postremò tam in voce, quàm in scriptis R. P. D. Prospero de Lambertinis Fidei Promotore; Eminentissimus, & Reverendissimus D. Cardinalis Ptolomæus in infrascripta dubia declaranda proposuit, videlicet:

Primum. *An Capitulo Collegiata S. Joannis Baptistæ Modoetia liceat Coronam Ferream, de qua agitur, retinere intus Crucem, in qua fuit reposita, insimul cum aliis Reliquiis, & publicè Venerationi exponere & quatenus negativè.*

Secundum. *An saltem eidem Capitulo liceat idem Coronam Ferream exponere in Altari Majori; & processionaliter deferre, prout olim practicabatur, in casu &c.*

Et Sacra eadem Congregatio re maturè discussa, visisque eorum juribus, respondendum censuit.

Ad primum *Affirmativè.*

Ad secundum *Provisum in primo, & ita declaravit. Die septimâ Augusti 1717.*

Et factâ deinde per me Secretarium de prædictis Sanctissimo D. N. relatione, Sanctitas Sua benignè annuit. Die 10. ejusdem mensis, & anni 1717.

F. Card. de Abdua Præfect.

N. M. Tedeschi Episc. Lip. S. Rit. Congr. Sec.

D E C R E T U M

XXVII.

Extensionis Officii S. Spiridionis Conf., & Pont. cum lectionibus propriis, & Oratione de communi sub Ritu semiduplici ad universam ditionem Serenissimæ Reipublicæ Venetæ.

AD pias, enixasque preces Serenissimæ Reipublicæ Venetorum per Excellentissimum Dominum Nicolaum Duodo apud S. Sedem Oratorem Ordinarium Sanctissimo D. N. Clementi XI. porrectas, quibus Sanctitati Suae humiliter supplicabatur, ut ipsa Officium cum lectionibus propriis pro festo Sancti Spiridionis Conf. & Pont. alias die 23. Novembris anni 1602. à Sacra Rituum Congregatione pro Civitate Corcyren. approbatis, & PP. etiam Congregationis S. Philippi Neri Urbis, & Civitatis Neapolis die 22. Augusti 1699. concessis, in posterum in memoriam insignis liberationis Civitatis, & Insulæ Corcyren. ab arctissima Turcarum obsidione die 14. Decembris in festo dicti Sancti ad universum Clerum totius Domini ipsius Reipublicæ extendere dignaretur, illasque à Sanctitate Sua ad Sacram Rituum Congregationem remissas; Sacra eadem Congregatio ad relationem Eminen-

tissimi, & Reverendissimi Domini Cardinalis de Abdua, audito prius R. P. D. Prospero de Lambertinis Fidei Promotore, lectiones prædictas cum oratione de communi singulis annis in Officio diei festi ipsius Sancti sub Ritu semiduplici ab omnibus Christifidelibus utriusque sexus totius Domini supradictæ Reipublicæ recitari posse concessit, si Sanctissimo Domino Nostro visum fuerit. Die 12. Junii 1717.

Factaque &c. Sanctitas Sua benignè annuit. Die 14. ejusdem mensis, & anni.

F. Card. de Abdua Præfectus.

N. M. Tedeschi Episc. Liparis. Sac. Rituum Congr. Secret.

D E C R E T U M

Quo declaratur Confessariis; & Cappellanis Monialium licere Missas celebrare Sanctorum, de quibus ipsæ recitent Officium, sed cum Missali Romano, & de communi, non verò Missas proprias eorumdem Sanctorum variis Ordinibus à Sacra Congregatione concessas.

XXVIII.

Supplicantis, frequenter Sac. Rituum Congregationi peritque variorum Ordinum Monialibus, ut Confessario, & Cappellanis earumdem servitio additis facultatem celebrandi Missas Sanctorum, de quibus prædictæ Moniales Officium recitant, benignè impertiri dignaretur; Sacra eadem Congregatio ad occurrendum his, & similibus Instantiis præfenti Decreto generali declarat: Licere in posterum tum Confessario, tum Cappellanis tantum quarumcumque Monialium servitio additis Missas Sanctorum, de quibus ipsæ recitent Officium, celebrare, sed cum Missali Romano, & de Communi, non verò Missas proprias eorumdem Sanctorum variis Ordinibus à Sacra Congregatione concessas. Et ita decrevit, & servari mandavit. Die 20. Novembris 1717.

Factaque deinde per me Secretarium de prædictis Sanctissimo D. N. relatione, Sanctitas Sua benignè annuit, & præfatum Sac. Congregationis resolutionem confirmavit. Die prima Decembris ejusdem Anni 1717.

F. Cardinalis de Abdua Præfectus.

N. M. Tedeschi Ep. Lip. S. Rit. Congr. Secr.

D E C R E T U M.

Elevationi Officii S. Anselmi Archiepiscopi Cantuariensis à Ritu semiduplici ad duplicem, cum præcepto, quòd in illius Missa dicatur etiam *Credo.*

XXIX.

Urbis, & Orbis.

AD pias preces Serenissimi Jacobi III. Magnæ Britannia &c. Regis Sanctissimo Domino Nostro porrectas, & à Sanctitate Sua ad Sac. Rituum Congregationem remissas, in eaque per Eminentissimum, & Reverendissimum Dominum Cardinalem Gualterium Regni Angliæ Protectorem relatas, Sacra eadem Congregatio Officium S. Anselmi Archiepiscopi Cantuariensis, & Angliæ Primatis, alias sub Ritu semiduplici de præcepto die ejus festo 21. Aprilis pro Ecclesia Universali recitari concessum, in posterum ab

omni-

1720.

omnibus Christianidelibus tam Secularibus, quam Regularibus, qui ad horas Canonicas tenentur sub Ritu duplici celebrari debere; Et ut in ejus Missa, quae incipit: *In medio Ecclesie*, dicatur etiam *Credo*, indulset, ac ita in Breviario, & Missali Romano apponi mandavit, si Sanctissimo Domino Nostro placuerit. Die 3. Februarii 1720.

Factaque per me Secretarium eidem Sanctissimo Domino Nostro relatione, Sanctitas Sua benigne annuit. Die 8. ejusdem mensis, & anni.

F. Card. Paulutius Pro-Praefectus.

N. M. Tedeschi Episc. Liparit. Sac.

Rituum Congr. Secret.

XXX.

DECRETUM

Quo omnibus Ecclesiasticis Sacro Ordini Constantiano S. Georgii adscripti, ac insuper omnibus aliis interservientibus Ecclesiae Conventuali Parmen., & aliis ejusdem Ordinis Ecclesiis ubicumque existentibus permittitur, ut Officium de eodem Sancto Georgio sub Ritu duplici primae classis cum octava recitare, & Missam de communi celebrare possint, servatis de rubricis Missalis, & Breviarii Romani.

Non minus piis, quam enixis precibus Serenissimi Ducis Parmae, ac Magni Magistri Sacri Ordinis Constantiniani Sancti Georgii Martyris Sacra Rituum Congregationis porrectis, ac per Eminentissimum, & Reverendissimum Dominum Cardinalem Gualterium relatis, Sacra eadem Rituum Congregatio Officium S. Georgii Martyris supradicti Ordinis Titularis cum lectionibus eisdem propriis pro secundo Nocturno die 9. Maji 1693, ad relationem clar. mem. Cardinalis Coloredi jam approbatis ab omnibus Ecclesiasticis tam praefato Ordini adscriptis, quam omnibus aliis interservientibus, sive Ecclesiae Conventuali vulgo nuncupat. della Steccata Civitatis Parmen., sive aliis ejusdem Ordinis Ecclesiis ubicumque existentibus, qui ad horas Canonicas tenentur, sub Ritu duplici primae classis cum octava in posterum recitari, & Missam de communi respectivè celebrari posse concecit, servatis tamen rubricis Breviarii, ac Missalis Romani, si Sanctissimo Domino Nostro placuerit, die 27. Julii 1720.

Factaque &c. Sanctitas Sua benigne annuit. Die 31. ejusdem mensis, & anni.

F. Card. Paulutius Pro-Praefectus.

N. M. Tedeschi Episc. Liparit. Sac.

Rituum Congregationis Secret.

XXXI.

DECRETUM

In causa Forolivien. Canonizationis Beati Peregrini Latiosi Ordinis Servorum Beatae Mariae Virginis.

Proposita dudum videlicet die 26. Aug. 1702. in Congregatione ordinaria Sacrorum Rituum per Eminentissimum, & Reverendissimum D. Cardinalem Barberinum causa Canonizationis B. Peregrini Latiosi Ordinis Servorum B. Mariae Virginis super dubio: *An Sententia Episcopi Forolivien. super cultu immemorabili, & casu excepto a Decretis san. mem. Urbani VIII. esset confirmanda: prodiit rescriptum affirmativum, quod à San-*

ctissimo Domino Nostro Clemente Papa XI. approbatam fuit, ac subinde cum Titulo *Beati* publicatum, juxta resolutionem captam in eadem Congregatione die 2. Septembris ejusdem anni.

Datis postmodum remissorialibus, & compulsorialibus literis Episcopis Forolivien., & Tiphernati, fabricati fuerunt bini Processus ac compulsata quaedam jura, quorum validitas in supradicta Congregatione ordinaria die 12. Septembris 1716. recognita fuit, ac successivè ab eodem Sanctissimo Domino Nostro approbata. Nuper verò in Congregatione generali eorundem Sacrorum Rituum habita coram Sanctitate Sua die 16. Julii proxime praeteriti per supradictum Dominum Cardinalem Barberinum iterum proposita fuit eadem causa, discussumque dubium: *An constet de virtutibus ejusdem Beati Peregrini tam Theologicalibus, scilicet Fide, spe & Charitate, quam Cardinalibus, nimirum Prudentia, Justitia, Fortitudine, & Temperantia, earumque respectivè annexis in gradu heroico in casu, & ad effectum, de quo agitur: Super quo Sanctitas Sua, auditis tam Consultorum, quam Eminentissimorum DD. Cardinalium suffragiis dissiulit ea die resolutionem, ut prius coelestis luminis opem tam suis, quam aliorum precibus in tam gravi deliberatione de more imploraret. His peractis praefatus Sanctissimus Dominus Noster infrascripta die Sancto Philippo Benito, eximio ejusdem Ordinis Servorum B. Mariae Virginis Propagatori, sacra, accitis coram se R. P. D. Lambertino Fidei Promotore, ac me infrascripto supradictae Congregationis Secretario, ad praemissum dubium de Virtutibus, dari, & promulgari iussit responsum affirmativum sequentibus verbis, videlicet: *Ita constare de Virtutibus praedictis, ut tuto in praesenti casu procedi possit ad ulteriora, nimirum ad discussionem miraculorum, & ita &c.* Hac die 23. Augusti 1720.*

F. Card. Paulutius Pro-Praefectus.

N. M. Tedeschi Episc. Liparit. Sac.

Rituum Congr. Secret.

DECRETA MEMORABILIA

Sacrae Congregationis Eminentissimorum, & Reverendissimorum DD. Cardinalium Indulgentiarum, Sacrifque Reliquiarum praeposita

Juxta temporis seriem disposita.

DECRETUM

De initio septennii, ad quod Brevia Apostolica Altarium Privilegiatorum restringi solent.

Discussio dubio in Sacra Congregatione Indulgentiarum, & Sacris Reliquiis praeposita. An attentis verbis, quae in Brevibus Indulgentiarum apponi solent praesentibus ad septennium tantum valentibus, Septennii initium à die publicationis Brevis desumendum sit; eadem Sacra Congregatio die 18. Maji 1711. declaravit, non à die publicationis, sed à die datae Brevis, septennii tempus incipere. Et facta relatione Sanctissimo Domino Nostro per me infrascriptum Secretarium die vigesima ejusdem Mensis, Sanctitas Sua Congregationis sententiam approbavit.

L. M. Card. Gabriellus Praef.

Raphael Cosinus de Hieronymis Secret.

1720.